



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

I. Regulæ Cancellariæ Apostolicæ. Fundatio Cœnobii Fratrum
Capuccinorum in Civitate Majoricensi.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

Supplet
quofcumque
defectus.

Decretum
pro obser-
vantia.

Claufula
sublata, &
Decretum
irritans.

Latiffime
contrariis
derogat.

Fides tran-
fumptorum.

Dat. 1. Julii
1676. An. 7.

stolica tenore presentium perpetuo confirma-
mus, & approbamus, illisque inviolabilis Apo-
stolica firmitatis robar adicimus, ac omnes,
& singulos Juris, & facti, ac solemnitarum quarumcumque in similibus, etiam de necessitate observandarum, aliove quolibet, etiam formales, & substantiales defectus, si qui in praemissis principaliter, vel accessorie, aut alias quovis modo intervenerint, seu intervenisse dici, censerent, vel pratendi possent, penitus, & omnino supplemus, & sanamus.

§. 5. Decernentes easdem presentes Literas, & Constitutiones praesertim semper firmas, validas, & efficaces existere, & fore, suoque plenarios, & integros effectus sortiri, & obtinere, ac illis, ad quos spectat, & pro tempore quando-
cumque spectabit in omnibus, & per omnia plenissime suffragari, & ab eis respective inviolabiliter observari: Sicque in praemissis per quoscumque Judices Ordinarios, & Delegatos, etiam Causarum Palatii Apostolici Auditores, ac Sanctae Romanae Ecclesiae Cardinales, etiam de Latere Legatos, & Apostolicae Sedis Nuncios, aliove quolibet quacumque praesentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiti debere; ac irritum, & inane, si fecus super his a quoquam quavis auctoritate scienter, vel ignoranter contigerit attentari.

§. 6. Non obstantibus Constitutionibus, & Ordinationibus Apostolicis, ac quatenus opus sit Congregationis, & Ordinis praefatorum, aliisque quibusvis, etiam Juramento, Confirmatione Apostolica, seu quavis firmitate alia roboratis, statutis, & consuetudinibus, privilegiis quoque Indultis, & literis Apostolicis, etiam Congregationi, & Ordini praedictis, illorumque Superioribus Fratibus, & personis sub quibuscumque verborum tenoribus, & formis, ac cum quibusvis, etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis in genere, vel in specie, seu alias quomodolibet in contrarium praemissorum concessis, ac pluries confirmatis, approbatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret tenores hujusmodi, ac si de verbo ad verbum, nihil penitus omisso, & forma in illis tradita observata, exprimerentur, & insererentur, praesentibus pro plene, & sufficienter expressis, & insertis habentes, illis alias in suo robore permanentibus, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 7. Volumus autem, ut earundem praesentium literarum transumptis, seu exemplis, etiam impressis, manu alicujus Notarii publici subscriptis, & sigillo Personae in Ecclesiastica dignitate constitutae munitis, eadem prorsus fides tam in Judicio, quam extra illud, ubique locorum habeatur, quae haberetur ipsis praesentibus, si forent exhibitae, vel ostensae.

Datum Romae apud S. Mariam Majorem sub Annulo Piscatoris die 1. Julii 1676. Pontificatus nostri Anno Septimo.

I. G. Slusius.

Registr. in Secret. Brevium in Lib. Mensis Julii par. 2. fol. 132.

Ad individua Trinitatis, gloriosissimae Mariae Virginis, ac Sanctorum Petri, & Pauli Apostolorum laudem, & gloriam sempiternam.

INNOCENTIUS UNDECIMUS
PONT. CCXLIV.

ANNO CHRISTI MDCLXXVI.

Innocentius Undecimus, Benedictus antea vocatus, Filius Livii Odescalchi Novocomensis, S. R. E. Diaconus Cardinalis Tir. SS. Cosmae, & Damiani, & postea Presbyter Tir. S. Honuphrii: Pontifex electus die 21. Sept. 1676. Coronatus die 4. Octobris ejusdem Anni: Creavit Cardinales 43. Vixit An. 78. in Pontificatu An. 12. Mens. 10. Dies 22. Obiit die 12. Augusti 1689. Sepultus est in Basilica Vaticana. Vacavit Sedes Menses duos.

Regulae Cancellariae, quas de more initio sui Pontificatus Innocentius XI. promulgavit, quia aliis in superiori Tomo contentis similes sunt, brevitatis studio omittuntur.

Committitur Majoricensi Episcopo, ut Majoricae, supplicante Civitate, & omnibus Religiosis Mendicantibus consentientibus, Coenobium Fratrum Capuccinorum Apostolica auctoritate constituat.

Vid. Constit. 25. Clem. X., quae inc. Alias fel. rec. sup. Tom. VI. fol. 29.

INNOCENTIUS PAPA XI.

Vener. Frater Salutem, & Apost. Benedictionem.

Exponi Nobis nuper fecerunt dilecti filii Fratres Provinciae Aragoniae Ordinis Minorum S. Francisci Capuccinorum nuncupatorum, quod cum ipsi alias videlicet die 5. Sept. 1671. Indultum fundandi in Regno Majoricae Conventum eorum Ordinis, servata tamen Constitutionum Apostolicarum dispositione, sibi a fel. recor. Clemente PP. X. praedecessore nostro, per quasdam suas in simili forma Brevis literas tibi, seu tunc existenti Episcopo Majoricen. directas concedi obtinuissent, teque, seu dicto Episcopo permitte, ad actuale unius Conventus cum Ecclesia in Civitate Majoricen. erectionem devenissent. Dilecti etiam filii Fratres Minores Ordinis ejusdem S. Francisci Strictioris Observantiae nuncupati, qui in praedicto Regno a pluribus abhinc annis duos insignes Conventus possident, praetendentes se gravatos, & asserentes praefatas literas Apostolicas obreptionis, & subreptionis vitio laborare, ex quo in illis recensitum, & expressum non fuerat, quod dudum, nempe anno 1649. instantibus iisdem Fratibus Capuccinis pro obtinendo hujusmodi foundationis indulto, & contradicentibus ipsismet Fratibus Strictioris Observantiae Congregatio tunc existentium S. R. E. Cardinalium negotiis, & consultationibus Episcoporum, & Regularium praeposita, die 28. Jan. 1650. & respective diversis aliis temporibus nempe die decima quinta Junii 1650. vigesima quinta Aprilis 1653., & septima Decembris 1657. uniformibus decretis etiam per literas Apostolicas confirmatis mandaverat pro tempore existenti Episcopo Majoricen. ne permetteret Fratibus Capuccinis Conventum, aut Domum quacumque in praedicta Civitate erigere, ipsisque praeciperet, ut a praefata Insula discederent. Et insuper asserentes, quod in primodictis li-

Dat. 9. Nov.
1676. An. 1.

Species facti.

Decreta
Congrega-
tionis Epi-
scop., & Re-
gul.

teris

Aliud decretum.

Fratres Capuccini Mandatis Apostolicis parent.

Preces Civitatis.

Nonnullorum Cardinalium Congregationi causa cognoscenda remittitur.

Patres concordant.

Delegatio fundationis coenobii.

teris derogatum non fuerat literis recor. mem. Alexandri Papæ VII., etiam prædecessoris nostri pariter in forma Brevis expeditis, quibus specialiter prohibetur in Regno Majoricæ aliquem Conventum fundari, nisi servata quinque leucarum distantia ab aliis Conventibus, jam erectis, institerunt acriter pro declaratione hujusmodi subreptionis, & Apostolici Indulti revocatione. Quare proposito, & mature discusso dubio, eadem Congregatio die vigesima septima Januarii 1673. decrevit literas primodictas tanquam subreptitias non esse exequendas, & quicquid vigore illarum erat gestum, tanquam attentatum esse revocandum, ac servandas esse ordinationes, & decreta alias facta; Iterumque proposito dubio die vigesima septima Aprilis ejusdem anni persistit in decisio, & perpetuum imposuit silentium, mandavitque tibi, seu tunc existenti Episcopo Majoricæ, ut omnia gesta in executionem primodictarum literarum Apostolicarum, utpote attentata revocari faceres, seu faceret. Quæ quidem ejusdem Congregationis decreta per alias dicti Clementis prædecessoris literas similiter in forma Brevis expeditas approbata, & confirmata fuerunt, & pro prædictorum omnium executione Monitorium a dilecto filio causarum Curie Cam. Apost. generali Auditore relaxatum, & ipsis Fratribus Capuccinis intimatum fuit. Verum stantibus præmissis, cum dd. Fratres Capuccini ea qua par est obedientia Apostolicis mandatis obtemperantes, & a prædicta Insula in Hispaniam transfretantes, Conventum, quem, ut supra dictum est, exererant, vacuum dimisissent, Civitas Majoricæ videns se tam piis Religiosis orbatam, tota in amaritudinem conversa est, & ad memoratum Clementem prædecessorem recursum habuit, humiliter supplicando, ut attentato consensu cæterorum omnium Religiosorum Mendicantium supremæ sæ pietatis dona impertiri dignaretur, & iisdem Fratribus Capuccinis specialem gratiam & favorem facere retinendi, seu de novo fundandi ibidem Conventum in quo duodecim Religiosi permanere possent. Ipse vero Clemens prædec. devotis prædictæ Civitatis, & Regni precibus, quantum æquitati consentaneum foret annuere cupiens, prævia oris aperitione, specialem Congregationem nonnullorum Venerabilium Fratrum nostrorum, tunc suorum ejusdem S. R. E. Cardinalium benigne deputavit, in qua dum utriusque partis rationum momenta discutiebantur, benediciente Domino, res in pace compositæ sunt, & præfati Fratres Minores Strictioris Observantiæ discretiori consilio Fraternali charitatem exercentes sum præstiterunt consensum. Quare dicti exponentes Nobis humiliter supplicari fecerunt, ut sibi in præmissis opportune providere, & ut infra indulgere de benignitate Apostolica dignaremur.

§. 1. Nos igitur ipsos exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existunt ad effectum præsentium dumtaxat consequentiarum serie absolventes, & absolutos fore censentes, hujusmodi supplicationibus inclinati, de memoratæ specialis Congregationis Cardinalium consilio, attentis supra expressis, ac noviter deductis Fraternalitati tuæ per præfatos committimus, & mandamus, ut postquam tibi consulerit Fabricam novi Conventus hujusmodi cum Ecclesia, Choro, Sacrificia, Dormitorio, Refectorio, aliisque Officiis, hortis, & spatiis esse numeris omnibus absolutam, & suppellectilibus tum sacris, tum profanis sufficienter instructam, quodque ex priorum Benefactorum

elemosynis duodecim Religiosi sustentari commode possint, ad prædictam erectionem, & fundationem auctoritate nostra Apostolica pro tuo arbitrio procedas.

§. 2. Non obstantibus supradictis Decretis, & Apostolicis in forma Brevis literis, & præfatis dicti Alexandri prædecessoris, aliisque ordinationibus, & Constitutionibus Apostolicis, ac quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus, pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris die nona Novembris 1676. Pontificatus nostri Anno Primo.

Confirmatur decretum S. Congregationis Episcoporum, & Regularium, quo statuitur, Fratres Ordinis Sanctissimæ Trinitatis Redemptionis Captivorum Provinciae Portugaliæ gradum supernumerarii Magistri Apostolicis literis concessum assequi non posse, nisi in examine idonei comprobentur.

II.

Fratres Redemptionis Captivorum Provincia Portugaliæ frui debere omnibus Privilegiis concessis a Sede Apostolica aliis fratribus ejusdem Ordinis Provinciarum Castelle, Legionis ac Bethicæ statuit Paulus III. Constitutione qua incipit Inter Curas, Bull. Rom. Tom. 1. Const. 2.

INNOCENTIUS PAPA XI.

Ad futuram rei memoriam.

Nuper pro parte dilecti filii moderati Ministri Provincialis Provinciae Portugaliæ Ordinis Fratrum Sanctissimæ Trinitatis Redemptionis Captivorum Congregationi Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositæ exposito, quod cum nonnulli Fratres dictæ Provinciae gradum Magistrorum supernumerariorum ipsius Provinciae sibi ab hac Sancta Sede concedi obtinuerint per quasdam literas Apostolicas in simili forma Brevis desuper expeditas, in quibus apposta fuit clausula: *Dummodo prævio riguroso examine ad id idonei reperiretur*, dictique Fratres per injuriam Ministri Provincialis, qui eandem Provinciam elapso triennio gubernavit, in possessionem dicti gradus intrusi sint, tamen juxta præscriptum dictarum literarum rigorosum examen non subverint secundum Constitutiones Ordinis prædicti a recollecta me. Alexandro PP. VII. prædecessore pariter nostro in forma specifica confirmatas, id vero in magnum Provinciam præfatam præjudicium, & dedecus, & (quod deterius est) in aliquem contemptum, & illusionem præfatarum literarum Apostolicarum cedat, cum id, quod tam iuste, & rationabiliter per eandem literas præcipitur, non sit impletum. Idem modernus Minister Provincialis plurimum cupiebat Apostolica auctoritate præcipi, ut dicti Fratres in debite in gradum prædictum hæcenus intrusi impleant conditionem in supradictis literis Apostolicis appositam de riguroso examine, illudque intra mensem, vel alium terminum dictæ Congregationi Cardinalium beneficium subeant in forma præscripta a dictis Constitutionibus, alias

Dat. 10. Nov. 1676. An. 1.

Summa precum.

Causa Decreti ejusque confirmationis.

Preces Ministri Provincialis.

omnino